

বিভাগীয় কমিশনারগণের সাথে আইন-শৃঙ্খলা এবং স্বরাষ্ট্র মন্ত্রণালয় সম্পর্কিত সভার কার্যবিবরণী।

সভাপতি উপস্থিত সকলকে স্বাগত জানিয়ে সভা শুরু করেন। বিগত সভার কার্যবিবরণীর উপর কোন সংশোধনী প্রস্তাব না থাকায় কার্যবিবরণীটি নিশ্চিত করা হয়। অতঃপর সভাপতির অনুমতিক্রমে অতিরিক্ত সচিব জনাব মোস্তফা কামাল উদ্দীন ধারাবাহিকভাবে বিগত সভায় গৃহীত সিদ্ধান্তসমূহ বাস্তবায়নের অগ্রগতি এবং কার্যপত্রে উল্লিখিত বিষয়সমূহ উপস্থাপন করেন।

০২। বিভাগীয় কমিশনারগণ সম্প্রতি অনুষ্ঠিত ইউনিয়ন পরিষদ নির্বাচনে স্ব স্ব বিভাগের আইন-শৃঙ্খলা পরিস্থিতি সভাকে অবহিত করেন। বিভাগীয় কমিশনারগণ বলেন, তারা জেলা ও বিভাগীয় পর্যায়ে অনুষ্ঠিত সভাসমূহে মাদকদ্রব্যের অপব্যবহার রোধে প্রচার-প্রচারণা অব্যাহত রাখতে দিক নির্দেশনা দিচ্ছেন। তারা মানব পাচার, মাদকদ্রব্য ও জঙ্গিবাদের কুফলের বিষয়ে গুরুত্ব আরোপ করেন। সভায় উপস্থিত কর্মকর্তাগণ বিভাগীয় ও জেলা পর্যায়ে বিদ্যমান সড়ক নিরাপত্তা কমিটিকে সড়ক ও মহাসড়কের অবৈধ স্থাপনা, হাটবাজার ইত্যাদি চিহ্নিত করে জেলাওয়ারী তালিকা প্রণয়ন করা এবং সে অনুযায়ী উচ্ছেদের কার্যক্রম গ্রহণ করার বিষয়ে অতিমত ব্যক্ত করেন।

০৩। সভায় বিস্তারিত আলোচনাক্রমে নিম্নবর্ণিত সিদ্ধান্তসমূহ গৃহীত হয়ঃ

ক্রমিক নং	সিদ্ধান্ত	বাস্তবায়নকারী কর্তৃপক্ষ
১.	সম্প্রতি অনুষ্ঠিত ইউনিয়ন পরিষদ নির্বাচনে যে সহিংস ঘটনা ঘটেছে তা মোটেও কাম্য ছিল না। এবারের নির্বাচনের অভিজ্ঞতা ভবিষ্যতে কাজে লাগাতে হবে। তাছাড়া ইউনিয়ন পরিষদ নির্বাচনে যেসব দুর্বলতা, সীমাবদ্ধতা ও অসঙ্গতি পরিলক্ষিত হয়েছে তার আলোকে ভবিষ্যৎ কর্মপন্থা/করণীয় নির্ধারণের লক্ষ্যে বিভাগীয় কমিশনারগণ এ মন্ত্রণালয়ে একটি করে প্রতিবেদন প্রেরণ করবেন। উক্ত প্রতিবেদনের আলোকে নির্বাচন কমিশন সচিবালয়কে বিস্তারিতভাবে জানানোর সিদ্ধান্ত গৃহীত হয়।	স্বরাষ্ট্র মন্ত্রণালয়/বিভাগীয় কমিশনার (সকল)
২.	(ক) মাদকের চাহিদার উৎসমুখসমূহকে বন্ধ করার লক্ষ্যে স্কুল ও কলেজ ক্যাম্পাসে নিয়মিত ব্যাপক মাদকবিরোধী সচেতনতামূলক কর্মসূচি অব্যাহত রাখতে হবে।	শিক্ষা মন্ত্রণালয়/বিভাগীয় কমিশনার (সকল)/মাদকদ্রব্য নিয়ন্ত্রণ অধিদপ্তর/জেলা প্রশাসক (সকল)
	(খ) মাদকদ্রব্যের অপব্যবহার রোধে জনসচেতনতা বৃদ্ধি ও জনগণকে উদ্বুদ্ধ করার লক্ষ্যে গ্রহণযোগ্য আকর্ষণীয় সেলিব্রিটিদের নিয়ে সভা-সমাবেশ করা এবং নতুন নতুন ডকুমেন্টারী/প্রামাণ্যচিত্র তৈরী করে তা তৃণমূল পর্যায়ে উন্মুক্ত স্থানে প্রদর্শনের ব্যবস্থা গ্রহণ করবেন। প্রদর্শিত ডকুমেন্টারী/প্রামাণ্যচিত্র এর ১টি করে সফটকপি স্বরাষ্ট্র মন্ত্রণালয়ে প্রেরণ করতে হবে।	বিভাগীয় কমিশনার (সকল)/মাদকদ্রব্য নিয়ন্ত্রণ অধিদপ্তর/জেলা প্রশাসক (সকল)